



COMUNU DE SÀDILI

Provìntzia de Sud Sàrdigna

C.A.P. 09062 Tel. 0782/599012 P.I. 00160520912

AVISU PÙBLICU

PROGRAMMA REGIONALI “MI PRENDO CURA”

DELÌBERA DE SA GIUNTA REGIONALI NÙMERU 8/46 DE SU 10 DE NADALI 2021

SA RESPONSÀBILI DE SU SERVÌTZIU

Comùnicat

chi sa Regioni Sàrdigna, cun Deliberatzioni nùmeru 8/46 de su 10 de nadali 2021 at aprovau, in aplicatzioni de sa Lei regionali 22 de onniasantu 2021, nùmeru 17, su Programma regionali “Mi prendo cura” - Lìneas de indiritzu 2021-2023, una misura comunali complementari a su programma “Ritornare a casa Plus”.

ARTÌCULU 1 – Ogetu de s'avisu

Po mèdiu de tali misura sa Regioni bolit ammanniai sa risposta de s'assistèntzia po is personas cun isentimentus (disabilità) gravis meda, definendu un'interventu nou, complementari a su programma “Ritornare a casa Plus”, chi cunsentat a is amministrazionis comunalis de afrontai inderetura e in autonomia, in su territòriu insoru, unas cantas ispetzìficas problemàticas. Bida sa complessidadi de is bisòngius sanitàrius e sotzialis de is beneficiàrius, podit serbiri un'agiudu prus mannu po afrontai bisòngius chi no agatant risposta in is medidas ordinàrias sanitàrias e sotzialis.

ARTÌCULU 2 – Cantidade e durada de su contributu po unu nùcleu familiari

Custu avisu regulat sa cuntzessioni de unu contributu econòmicu non prus mannu de **€2.000,00 annuali**, chi acunsentit a is beneficiàrius de afrontai bisòngius chi no agatant risposta in medidas

sanitàrias ordinàrias e sotzialis. In particulari su contributu cuntzèdiu depit èssiri imperau po:

- Frunidura de meixinas, ausilius e pròtesis chi non est satisfada dae su Servìtziu Sanitàriu Natzionali;
- Frunidura de energia elètrica e ispesa po sa callentadura chi non funt satisfadas dae is measuras traditzionalis po is bisongiosus.

Custu contributu si depit cunsiderai complementari a is interventus previdius dae su Programma “Ritornare a casa Plus”.

ARTÌCULU 3 – Destinatàrius

Funt destinatàrius de sa misura is gosadoris chi ddu pedint, **chi funt giai gosadoris de su programma “Ritornare a casa Plus”**, non si cunsiderat su livellu de intensidadi de assistèntzia presentau.

ARTÌCULU 4 – Tèrminis e maneras po presentai is preguntas

Is istàntzias ant a dèpiri èssiri cumpiladas in unu mòdulu apòsitu chi s'agatat in su giassu (sito) de su Comunu de Sàdili <https://comune.sadali.ca.it/hh/index.php> e ant a dèpiri lòmpiri a s'Ufitziu Protocolu de custu Enti a intru e no a pustis de su 31 de martzu 2022, imperendu una de is maneras innoi in fatu:

- cun sa posta eletrònica (PEC o e-mail) imbiada a s'indiritzu pec: protocollo@pec.comune.sadali.nu.it o a s'indiritzu mail: protocollo@pec.comune.sadali.ca.it
- cun cunsigna fata a manu in s'Ufitziu Protocolu.

In paris cun sa pregunta tocat a presentai custus documentus:

- Documentu de identidadi in cursu de balididadi de su tzitadinu chi fait sa pregunta e de su beneficiariu;
- Documentus chi serbint po giustificai sa frunidura de energia elètrica e s'ispesa po sa callentadura, **po s'annu 2021**;
- Scontrinus fiscalis e retzidas po sa frunidura de meixinas, ausilius e pròtesis, **po s'annu 2021**;
- Dichiaratzioni personali chi ammostat ca is ispesas non funt satisfadas dae su Servìtziu Sanitàriu Natzionali e dae atras measuras po is bisongiosus;
- Informativa a pitzu de su tratamentu de is datus personalis.

ARTÌCULU 5 – Publicidadi

Custu avisu at a èssiri publicau in su Albu pretòriu e in su giassu istitutzionali de su Comunu de Sàdili.

ARTÌCULU 6 – Tratamentu de is datus

Su tratamentu, su imperu e s'allogadura de is datus ant a èssiri fatu sighendu is maneras inditadas in s'informativa a pitzu de su tratamentu de is datus personalis.

ARTÌCULU 7 – Informatzioni

Po àtrus acramentus e/o informatziones tocat a s'indirizai a su numeru 0782599012 – Ufitziu de is Servìtzios Sotzialis, Dotora Linda Lapillo.

Allegau:

- Mòdulu istàntzia